

«TASDIQLAYMAN»
“O‘zmilliybank” AJ Yuridik
departamenti direktori v.b.
B.K.Ibatov

“12” may 2026 y.

“O‘zbekiston Respublikasi Tashqi iqtisodiy faoliyat milliy banki” AJ
Yuridik departamenti direktori rahbarligida o‘tkazilgan

1 - sonli yig‘ilish
BAYONI

12.05.2026 y.

Toshkent shahri

Raislik qildi:

Yuridik departamenti direktori

Qatnashdilar:

Yuridik departamenti xodimlari va
Korrupsiyani oldini olish boshqarmasi
xodimlari D.Djurabekov va M.Xonimqulovlar

KUN TARTIBI

1. O‘zbekiston Respublikasi Prezidentining 2025-yil 26-dekabrdagi Oliy Majlis va O‘zbekiston xalqiga Murojaatnomasida korrupsiyaga qarshi kurashish yo‘nalishida belgilangan vazifalarning mazmun-mohiyatini xodimlarga yetkazish.
2. Bank tizimida korrupsiyaviy xavf-xatarlarni aniqlash, oldini olish va bartaraf etish bo‘yicha ta’sirchan mexanizmlarni kuchaytirish.
3. Xodimlarda qonun ustuvorligi, xizmat intizomi, korporativ etika va shaxsiy mas’uliyat tamoyillarini mustahkamlash.
4. Komplayens nazorati, manfaatlar to‘qnashuvining oldini olish va bank nufuzini himoya qilish bo‘yicha amaliy tushuntirishlar berish.

Yig‘ilishni Yuridik departamenti direktori Ibatov Baxtiyor Kenjayevich ochib berib, mamlakatimizda korrupsiyaga qarshi kurashish davlat siyosati darajasidagi eng ustuvor yo‘nalishlardan biri ekanligini ta’kidladi.

Ayniqsa, O‘zbekiston Respublikasi Prezidentining Oliy Majlis va O‘zbekiston xalqiga Murojaatnomasida bildirilgan: “Takror va takror aytaman. Korrupsiya – davlat taraqqiyotiga to‘siq bo‘ladigan, adolat va qonun ustuvorligini izdan chiqaradigan, jamiyatda ishonch muhitini zaiflashtiradigan eng jiddiy tahdid” degan fikrlar har bir bank xodimi uchun xizmat faoliyatida amal qilinishi shart bo‘lgan asosiy tamoyil ekanligi qayd etildi.

Shuningdek, “Korrupsiyaga yo‘l qo‘yish esa – islohotlarimizga xiyonatdir” degan qat’iy talabdan kelib chiqib, tizimda halollik, ochiqlik va shaxsiy javobgarlik muhitini yanada kuchaytirish zarurligi ta’kidlandi.

Yig‘ilish davomida bank tizimida uchrashi mumkin bo‘lgan korrupsiyaviy xavflar, jumladan:

- kredit ajratish jarayonlarida manfaatlar to‘qnashuvi;
- mijozlar bilan ishlashda tamagirlik va poraxo‘rlik;
- xizmat vakolatini suiiste’mol qilish;
- ichki ma’lumotlardan shaxsiy manfaat yo‘lida foydalanish;
- tender va xarid jarayonlarida shaffoflikning buzilishi;

kabi holatlar atroflicha muhokama qilinib, ularning oldini olish bo‘yicha aniq choralar belgilandi.

Alohida ta’kidlanganidek, “Lavozimim, unvonim bor, menga hech kim tegmaydi”, deganlar adashadi. Qonun oldida hamma teng!” degan talab barcha rahbar va xodimlar uchun birdek tatbiq etiladi.

Shu munosabat bilan ishtirokchilarga:

- xizmat vazifalarini halol va vijdonan bajarish;
- mijozlar bilan munosabatlarda kasb odobiga qat’iy rioya qilish;
- har qanday noqonuniy takliflarga nisbatan murosasiz munosabatda bo‘lish;
- shubhali holatlar haqida zudlik bilan komplayens xizmati yoki rahbariyatni xabardor qilish;
- ichki normativ hujjatlarga so‘zsiz amal qilish zarurligi bo‘yicha tushuntirishlar berildi.

Komplayens nazorat va korrupsiyaga qarshi kurashish boshqarmasi mas’ul xodimlari tomonidan ichki nazorat mexanizmlari, xavflarni baholash tizimi, anonim murojaat kanallari, profilaktik choralar hamda korrupsiya to‘g‘risida xabar bergan xodimlarning xavfsizlik kafolatlari haqida batafsil ma’lumot berildi.

Shu bilan birga, “Komplayens xizmatining faoliyatiga to‘sqinlik qilganlar – korrupsiyaga sherik, deb baholanadi” degan talabdan kelib chiqib, nazorat jarayonlariga to‘sqinlik qilish yoki ma’lumotlarni yashirish jiddiy javobgarlikka sabab bo‘lishi to‘g‘risida ogohlantirildi.

Yig‘ilishda korrupsiyaning oldini olishda, eng avvalo, rahbarlarning shaxsiy namunasi hal qiluvchi ahamiyat kasb etishi alohida ta’kidlandi.

Qayd etilganidek, jamoada halollik, intizom va qonuniylik muhitini shakllantirish, birinchi navbatda, rahbarlarning ochiqlik, adolat va prinsipiiallik tamoyillariga amal qilishiga bog‘liqdir.

Xususan, rahbarlar:

- jamoaga shaxsiy ibrat bo‘lishi;
- xizmat vakolatidan shaxsiy manfaat yo‘lida foydalanmasligi;
- qaror qabul qilishda xolislik va shaffoflikni ta’minlashi;
- tanish-bilishchilik va guruhbozlikka yo‘l qo‘ymasligi;
- sog‘lom ma’naviy muhitni shakllantirishi;
- qonunbuzilishlarga nisbatan murosasiz munosabatda bo‘lishi zarurligi ta’kidlab o‘tildi.

Shuningdek, “Davlatning har bir so‘m mablag‘i, resursi bo‘yicha shaxsiy javobgarlik kuchaytiriladi” degan talabdan kelib chiqib, moliyaviy operatsiyalar, kredit ajratish va ichki nazorat jarayonlarida qonuniylikka qat’iy rioya etilishi shart ekanligi qayd etildi.

Barcha xodimlarni ogohlik va mas'uliyatga chaqirgan holda, xayot va mehnat faoliyati davomida noqonuniy ishlarga va uyushgan guruhlariga aralashmaslik, korrupsiya va firibgarlikni o'ziga kasb qilib olgan elementlardan yiroq bo'lish, bu kabi holatlarga duch kelinganda zudlik bilan rahbarlari yoki korrupsiyaga qarshi tizim mas'ullarini xabardor qilish, xizmat faoliyati davomida hamda ishdan tashqari holatlarda, ayniqsa keng jamoatchilik orasida namunaviy shaxs sifatida namoyon bo'lishga intilish, noqonuniy ishlarga aralashmaslik, odob-ahloq qoidalariga rioya qilish, o'zi va oilasi sha'nini yuqori darajada ushlash lozimligi, eng asosiysi yuqori nufuzli idorada faoliyat yuritayotganligini unutmasliklari lozimligi haqida alohida to'xtalib, bu kabilarga amal qilmaslik qanday oqibatlarga olib kelishi to'g'risida o'z fikrlarini bildirdi.

Shu bilan birga, D.Djurabekov va M.Xonimqulovlar yig'ilish davomida "O'zmilliybank" AJda Korrupsiyaga qarshi kurashish tizimi mavjudligini yana bir bor eslatib, mazkur yo'nalishda yuzaga kelayotgan yoki shakllanayotgan noqonuniy elementlar yoki shu kabi ishlarni taklif etayotgan shaxslar to'g'risidagi mavjud ma'lumotlarni kechiktirmay taqdim etish maqsadga muvofiqligi, shuningdek, Korrupsiyaga qarshi kurashish yo'nalishida ushbu tizim tomonidan taqdim etilayotgan o'quv materiallarini, tegishli ma'lumotlarni mas'uliyat bilan o'rganish va doimiy ravishda malaka oshirib borishlari, korrupsiyaning har qanday ko'rinishiga nisbatan murosasiz munosabatda bo'lishlari lozimligi to'g'risida eslatmalar berib o'tdi

Yig'ilish kun tartibidagi masalalar yuzasidan fikr va xulosalardan kelib chiqib,

QAROR QILINDI

1. O'zbekiston Respublikasi Prezidentining Oliy Majlis va O'zbekiston xalqiga murojaatnomasida korrupsiyaga qarshi kurashish yo'nalishida belgilangan vazifalar barcha xodimlar tomonidan chuqur o'rganilib, amalda ta'minlansin.

2. Korrupsiya, firibgarlik, manfaatlar to'qnashuvi va boshqa qonunbuzilishlarga nisbatan murosasiz munosabat shakllantirilsin.

3. Komplayens nazorati va profilaktik ishlar yanada kuchaytirilsin.

4. Xodimlarning huquqiy savodxonligi va kasbiy malakasini oshirish maqsadida doimiy seminar, trening va amaliy mashg'ulotlar tashkil etilsin.

5. Rahbarlar tomonidan sog'lom ma'naviy muhitni shakllantirish, xizmat intizomi va korporativ madaniyatni mustahkamlash bo'yicha tushuntirish ishlari tizimli ravishda olib borilsin.

6. Bank sha'ni va nufuziga putur yetkazuvchi har qanday harakatlarning oldini olish choralari kuchaytirilsin.

7. Mazkur bayonnomada belgilangan vazifalar ijrosini ta'minlash tegishli rahbarlar zimmasiga yuklatilib, umumiy nazorat departament rahbariyati tomonidan amalga oshirilsin.



8. Ushbu bayonnoma bilan departamentning barcha xodimlari belgilangan tartibda tanishtirilsin.

Yig'ilish kotibi

X.Xamidov

2026 yil "12" may kuni
1-sonli yig'ilish
 bayonnomasiga ilova

T A N I S H D I L A R:

№	F.I.Sh.	Lavozimi	Imzo	Sana
1	Aliyev Temur Xamroqulovich	Departament direktori o'rinbosari		12.05.26 y.
2	Sapayeva Miranna Sapayevna	Departament direktori o'rinbosari		12.05.26 y.
3	Abasov Ibrohim Ruslanovich	Bosh yuriskonsult		12.05.26 y.
4	Kurbonov Sherzod Shukurovich	Bosh yuriskonsult		12.05.26 y.
5	Ibragimova Gulmira Muxamedjanovna	Bosh mutaxassis		12.05.26 y.
6	Kamolxonov Jamolxon Ne'matxon o'g'li	Bosh yuriskonsult		12.05.26 y.
7	Xamidov Xusen Olimjonovich	Yetakchi yuriskonsult		12.05.26 y.
8	Abduqahhorov Abdulaziz Abdurasul o'g'li	Yetakchi yuriskonsult		12.05.26 y.
9	Ataullo Kamola Nusratullo qizi	Yetakchi yuriskonsult		12.05.26 y.
10	Pulatova Sohiba Kulmatovna	Bo'lim boshlig'i		12.05.26 y.
11	Urazbaev Jamshid Rustam o'g'li	Yuriskonuslt		12.05.26 y.